

SLUŽBENI



GLASNIK

OPĆINE/OPŠTINE BOSANSKI PETROVAC

Godina: 2024.
Broj: 9/24

Datum:

07.06.2024. god

Izdanje na
Bosanskom jeziku

I AKTI OPĆINSKOG VIJEĆA

Na osnovu člana 2.12 stav (6) Izbornog zakona Bosne i Hercegovine („Službeni glasnik BiH“ broj 23/01, 07/02, 09/02, 20/02, 25/02, 01/04, 25/05, 1/06, 24/06, 32/07, 33/08, 37/08, 32/10, 18/137, 1/4, 31/16, 41/20) i člana 25. Statuta općine Bosanski Petrovac („Službeni glasnik općine br. 7/08), Općinsko vijeće, na XXXVII sjednici održanoj dana 17.05.2024. godine, donosi:

RJEŠENJE

o razrješenju predsjednice i članice
Općinske izborne komisije Bosanski
Petrovac

Član 1.

Bobana Velaga Lipić, MA poslovne ekonomije, razrješava se dužnosti predsjednice i članice Općinske izborne komisije Bosanski Petrovac, prije isteka mandata, zbog podnošenja ostavke.

Član 2.

Rješenje stupa na snagu po dobijanju saglasnosti Centralne izborne komisije Bosne i Hercegovine.

Član 3.

Rješenje objaviti u „Službenom glasniku Općine Bosanski Petrovac“. Broj: 02/1-04-1200-2/24 Datum: 17.05.2024.g

II AKTI OPĆINSKOG NAČELNIKA

Na osnovu člana 15. Zakona o principima lokalne samouprave u F BiH („Službene novine F BiH“, broj: 49/06), člana 45. stav 1. tačka 4. Statuta Općine Bosanski Petrovac („Službeni glasnik općine Bosanski Petrovac“, broj: 7/08), te Odluke o izvršenju Budžeta općine Bosanski Petrovac za 2024. godinu („Službeni glasnik općine Bosanski Petrovac“, broj: 3/24, Općinski načelnik općine Bosanski Petrovac,

d o n o s i :

**PROGRAM
utroška sredstava za pomoći
osobama u stanju socijalne
potrebe**

član1.

Ovim Programom utvrđuje se način utroška sredstava utvrđena budžetom za 2024. godinu na ekonomskom kodu 614 311 - "Transfer Crvenom križu – pomoć osobama u stanju socijalne pomoći" u iznosu od 90.000 KM, uslovi za dodjelu prehrambenih paketa, (prehrambeni i higijenski artikli), uslovi za podmirenje troškova za nabavku ogrijevnog drveta socijalno ugroženim osobama ili porodicama, način podrške projektu „Obrok za sve“ koje na području općine Bosanski Petrovac provodi humanitarna organizacija Pomozi.ba i način dodjele sredstava Crvenom križu općine Bosanski Petrovac za troškove distribucije roba, obilaska korisnika i obradu dokumentacije i ostalih nepredviđenih troškova.

NAČIN ODOBRAVANJA SREDSTAVA

član 2.

U postupku prijema i obrade Zahtjeva za pomoć, Crveni križ općine Bosanski Petrovac će koristiti podatke Centra za socijalni rad, vlastite podatke i podatke drugih institucija.

Nakon završetka obrade Zahtjeva za pomoć u toku jednog mjeseca, Crveni križ će se sa Zahtjevom za odobravanje sredstava obratiti Općinskom načelniku.

Na zahtjev Crvenog križa, Općinski načelnik će u skladu sa financijskim mogućnostima, te u skladu sa članom 21. stav 5. Odluke o izvršavanju budžeta za 2024. godinu broj: 02/1-11-1949-9/23 od 22.02.2024. godine, odobriti sredstva Zaključkom, odnosno Odlukom.

USLOVI ZA DODJELU PREHRAMBENIH I HIGIJENSKIH PAKETA

član 3.

Sredstva u iznosu od 40.000 KM utvrđuju se za nabavku i dodjelu prehrambenih i higijenskih paketa.

Prehrambeni i higijenski paketi socijalno ugroženim osobama razvrstavaju se u tri kategorije prema broju članova domaćinstva:

Prehrambeni paket za domaćinstva sa jednim do dva člana porodice u vrijednosti od 70KM sadrži: brašno, ulje, šećer, sol i ostali začini, tjestenine, konzerve (ribe i narezci), salame, jaja i ostalo do gore navedene vrijednosti.

Higijenski paket za domaćinstva sa jednim do dva člana porodice u vrijednosti od 50 KM sadrži: deterdžent za veš, šampon za kosu, šampon za

tijelo, sapun za ruke, toalet papir, pasta za zube i ostalo do gore navedene vrijednosti.

Prehrambeni paket za domaćinstva od tri do šest članova porodice u vrijednosti od 120 KM sa istim ili većim sadržajem kao u stavu 3. ovog člana.

Higijenski paket za domaćinstva od tri do šest članova porodice u vrijednosti od 70 KM sa istim ili većim sadržajem kao u stavu 4. ovog člana.

Prehrambeni paket za domaćinstva sa više od šest članova porodice u vrijednosti od 200 KM sa istim ili većim sadržajem kao u stavu 3. ovog člana.

Higijenski paket za domaćinstva sa više od šest članova porodice u vrijednosti od 120 KM sa istim ili većim sadržajem kao u stavu 4. ovog člana.

Općinski načelnik će u skladu sa financijskim mogućnostima odobriti sredstva Crvenom križu za nabavku prehrambenih i higijenskih paketa socijalno ugroženim osobama ili porodicama.

USLOVI ZA PODMIRENJE TROŠKOVA ZA NABAVKU OGRIJEVNOG DRVETA SOCIJALNO UGROŽENIM OSOBAMA ILI PORODICAMA

član 4.

Sredstva u iznosu od 30.000 KM utvrđuju se za podmirenje troškova za nabavku ogrijevnog drveta socijalno ugroženim osobama ili porodicama,

Pravo na podmirenje troškova nabavke ogrijevnog drveta će moći ostvariti osobe ili porodice koje ispunjavaju sljedeće uslove:

- da su u stanju stalne socijalne pomoći,
- da nemaju nikakvih drugih primanja osim socijalne pomoći,
- da nisu zdravstveno sposobni da sebi na bilo koji način obezbijede potrebnu količinu ogrijevnog drveta, a u stanju je socijalne potrebe.

Crveni križ je obavezan po Zahtjevima socijalno ugroženih osoba ili porodica od istih prikupiti svu potrebnu socijalnu i zdravstvenu dokumentaciju, zatim komisiji kod osoba ili porodica utvrditi činjenično stanje o stvarnim potrebama nabavke ogrijevnog drveta.

Nakon završenog postupka po zahtjevima, Crveni križ će listu prijedloga dostaviti Općinskom načelniku na odobravanje.

Općinski načelnik će u skladu sa financijskim mogućnostima odobriti sredstva Crvenom križu za

nabavku ogrijevnog drveta socijalno ugroženim osobama ili porodicama.

NAČIN PODRŠKE PROJEKTU „OBROK ZA SVE“

član 5.

Sredstva u simboličnom iznosu od 5.000 KM utvrđuju se kao podrška humanitarnoj organizaciji „POMOZI.BA“ koja građanima Općine Bosanski Petrovac u stanju socijalne potrebe obezbeđuju dnevni topli obrok.

U skladu sa finansijskim mogućnostima Općinski načelnik će donijeti Odluku o isplati novčanih sredstava humanitarnoj organizaciji koja vrši distribuciju toplih obroka na području naše općine.

NAČIN DODJELE SREDSTAVA CRVENOM KRIŽU ZA PODMIRENJE TROŠKOVA RADA I DISTRIBUCIJE HUMANITARNIH PAKETA I OSTALIH NEPREDVIĐENIH TROŠKOVA

član 6.

Sredstva u iznosu od 15.000 KM utvrđuju se za podmirenje troškova rada i distribucije humanitarnih paketa te ostalih nepredviđenih troškova.

Pod ostalim nepredviđenim troškovima se smatraju troškovi za nabavku određenih paketa za osobe koje su oboljele od teških bolesti (onkološki pacijenti) koje moraju izdvajati veća materijalna sredstva za liječenje i koja su slabog imovnog stanja, pod uslovom da ne primaju pomoć po drugim osnovama.

Pomoć se može dodijeliti i Udruženju građana registrovani za pomoć i brigu osoba oboljelih od teških bolesti, kao i redovnim darivaocima krvi.

Na Zahtjev Crvenog križa Općinski načelnik će u skladu sa finansijskim mogućnostima Odlukom odobriti sredstva za podmirenje navedenih i ostalih nepredviđenih troškova.

USLOVI KOJE MORAJU ISPUNITI OSOBE ILI PORODICE KAO KORISNICI PO OVOM PROGRAMU

član 7.

Korisnici pomoći iz Programa su osobe u stanju socijalne pomoći, odnosno domaćinstva koja se nalaze u stanju socijalne potrebe i to:

- Osobe ili porodice čija primanja po članu domaćinstva ne prelaze 90,00 KM, izuzetno od toga,
- Osobe kod kojih su dijagnosticirana teška

oboljenja (onkološki pacijenti), koja iziskuju velike materijalne troškove, pod uslovom da ne primaju pomoć po drugom osnovu,

- Osobe ili porodice koje nemaju nikakvih primanja, ali nemaju radnu i zdravstvenu sposobnost da mogu sebi obezbijediti minimalnu finansijsku mogućnost za život,
- Redovni darivaoci krvi,
- Udruženja građana registrovana za pomoć i brigu osoba oboljelih od teških bolesti.

Korisnici pomoći su dužni uz zahtjev za pomoć priložiti:

- Ličnu kartu na uvid,
- Cips prijavu (za nepokretne i djelimično pokretne osobe Crveni križ će po službenoj dužnosti nabaviti cips prijavu),
- Kućna lista ili potvrda od predsjednika MZ o broju članova domaćinstva,
- Potvrda Centra za socijalni rad da je korisnik ili je koristio usluge Centra za socijalni rad,
- Uvjerenje sa Biroa rada u koliko se radi o nezaposlenoj osobi. za nezaposlene – uvjerenje sa Biro-a
- Potvrda zdravstvenog stanja od Doma zdravlja.

član 8.

Korisnici pomoći iz ovog Programa su osobe, te porodice sa prebivalištem na području općine Bosanski Petrovac.

član 9.

Crveni križ općine Bosanski Petrovac će provodi procedure utvrđivanja osnova za odjelu pomoći iz ovog Programa, te će na osnovu prikupljene dokumentacije sačiniti zapisnike i spiskove korisnika sa potpisima.

Poslove odabira korisnika ovog Programa vršit će Komisija koju će posebnim rješenjem imenovati Općinski načelnik, a čiji sastav će činiti jedan predstavnik Crvenog križa, 1 predstavnik Centra za socijalni rad i 1 predstavnik ispred općinskog organa uprave.

Crveni križ općine Bosanski Petrovac dužan je Izvještaj o utrošku sredstava za namjene iz ovog Programa dostaviti Općinskom načelniku općine Bosanski Petrovac na mjesecnom nivou.

član 10.

Ovaj Program stupa na snagu danom objave u Službenom glasniku općine Bosanski Petrovac.

B

.

Općinski načelnik

Broj: 01-31-1237-1/24
Bosanski Petrovac, 22.05.2024.g
Dr.sc Mahmut Jukić

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj 8/11), člana 43. Statuta općine Bosanski Petrovac-Prečišćeni tekst („Službeni glasnik općine Bosanski Petrovac“, broj: 7/08.), Budžeta općine Bosanski Petrovac za 2024. godinu, stavka – Tekući transferi udruženjima - boračkim organizacijama („Službeni glasnik općine Bosanski Petrovac“, broj: 3/24), a u vezi sa zahtjevom za dodijelu sredstava „Organizaciji porodica šehida i poginulih boraca“ Općine Bosanski Petrovac, Općinski načelnik donosi:

O D L U K U

o isplati novčanih sredstava „Općinskoj organizaciji porodica šehida i poginulih boraca Bosanski Petrovac“

I

Odobrava se isplata novčanih sredstava iz Budžeta općine Bosanski Petrovac za 2024. godinu u iznosu od 1.000,00 KM (slovima: jednahiljada) KM „Organizaciji porodica šehida i poginulih boraca“ Općine Bosanski Petrovac.

II

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Tekući transferi udruženjima - boračkim organizacijama“, ekonomski kod 614324, uplatom na račun broj: 1414775320007316 otvoren kod BBI banke.

III

Za provođenje ove Odluke nadležna je Služba za finansije, računovodstvo i budžet. Korisnik će sredstva upotrijebiti na način definisan u obrazloženju ove Odluke i dostaviti izvještaj o utrošku sredstava ovom organu (do 31.03.2025. godine).

IV

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

O b r a z l o ž e n j e

d

Predsjednica Udruženja porodica šehida i poginulih boraca Općine Bosanski Petrovac se dana 18.04.2024. godine obratila ovom organu zahtjevom za doznačavanje finansijskih sredstava u svrhu održavanja skupštine i druge aktivnosti. Na osnovu svega navedenog, odlučeno je kao u dispozitivu Odluke.

. Broj: 01-11-702-6/24

Datum: 24.05.2024. godine

Općinski načelnik

Dr.sc. Mahmut Jukić

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj: 8/11), člana 43. Statuta općine Bosanski Petrovac prečišćen („Službeni glasnik općine Bosanski Petrovac“, broj: 7/08 prečišćen - tekst) i Budžeta općine Bosanski Petrovac za 2024. godinu, stavka – Tekući transfer udruženju penzionera („Službeni glasnik općine Bosanski Petrovac“ broj: 3/24), a u vezi sa zahtjevom za dodijelu sredstava Udruženja penzionera općine Bosanski Petrovac, Općinski načelnik donosi:

O D L U K U

o isplati novčanih sredstava „Udruženju penzionera Općine Bosanski Petrovac“

Član 1.

Odobrava se isplata novčanih sredstava iz Budžeta općine Bosanski Petrovac za 2024. godinu u iznosu od od 2.000,00 KM (slovima: dvijehiljade) KM Udruženju penzionera općine Bosanski Petrovac.

Član 2.

Odobrena novčana sredstva iz tačke I ove Odluke isplatit će se na teret Budžeta općine Bosanski Petrovac, stavka „Tекуći transfer udruženje penzionera“, ekonomski kod 614324, uplatom na račun broj: 1414775320009353 otvoren kod *BBI banke*.

Član 3.

Za provođenje ove Odluke nadležna je Služba za finansije, računovodstvo i budžet.

Korisnik će sredstva upotrijebiti na način definisan tačkom I ove Odluke i dostaviti izvještaj o utrošku sredstava ovom organu.

Član 4.

Odluka stupa na snagu danom donošenja i bit će objavljena u „Službenom glasniku općine Bosanski Petrovac“.

Obratljene

Predsjednik UO udruženja penzionera općine Bosanski Petrovac se obratio ovom organu zahtjevom za doznačavanje finansijskih sredstava u kojem se navodi da su ovom udruženju potrebna sredstva radi prevoza penzionera u posjetu piramidama u Visoko. Na osnovu svega navedenog, odlučeno je kao u dispozitivu Odluke.

Broj: 01-11-1350-2/24

Datum: 04.06.2024. godine

Općinski načelnik

Dr.sc. Mahmut Jukić

Na osnovu člana 27. Zakona o lokalnoj samoupravi Unsko-sanskog kantona „(Službeni glasnik Unsko-sanskog kantona“ broj 8/11) i člana 43. Statuta općine Bosanski Petrovac-Precišćeni tekst („Službeni glasnik

općine Bosanski Petrovac“, broj: 7/08.), općinski Načelnik, d o n o s i:

RJEŠENJE o imenovanju Organizacionog odbora za obilježavanje manifestacije „Petrovačko ljeto 2024 g“

Član 1.

U povodu održavanja manifestacije „Petrovačko ljeto 2024 g“ na području općine Bosanski Petrovac, u Organizacioni odbor za pripremu i organizaciju poslova za obilježavanje manifestacije „Petrovačko ljeto 2024 g“ imenuju se:

- 1.Dušica Ćulibrk, predsjednica
- 2.Ena Širbić, član
- 3.Alma Mehmedbegović-Kartal,član
- 4.Bobana Velaga-Lipić,član
- 5.Sanela Hidić,član
- 6.Adnan Zeljković ,član
- 7.Adnan Družić,član

Član 2.

Organizacioni odbor dužan je sačiniti Program i organizirati održavanje manifestacije „Petrovačko ljeto 2024.“ u Bosanskom Petrovcu sa pratećim finansijskim planom.

Općinski načelnik će pružiti neophodnu podršku i pomoći u realizaciji Programa.

Član 3.

Ovo Rješenje stupa na snagu danom donošenja i ima se objaviti u „Službenom glasniku općine Bosanski Petrovac“.

Broj:01-36-1498-1/24

Datum:04.06.2024.g

Općinski načelnik

Dr.sc. Mahmut Jukić

S A D R Ž A J:

I AKTI OPŠTINSKOG VIJEĆA

1.RJEŠENJE o razrješenju predjednice i članice
Općinske izborne komisije Bosanski Petrovac.....1

II AKTA NAČELNIKA

1. PROGRAM utroška sredstava za pomoć osobama u stanju socijalne potrebe.....	1-3
2. O D L U K U o isplati novčanih sredstava „Općinskoj organizaciji porodica šehida i poginulih boraca Bosanski Petrovac.....	4
3. O D L U K U o isplati novčanih sredstava „Udruženju penzionera Općine Bosanski Petrovac“.....	4-5
4. R J E Š E N J E o imenovanju Organizacionog odbora za obilježavanje manifestacije „Petrovačko ljeto 2024	5

Obrada:

Ivana Kuburić

*Viši referent za administrativno tehničke poslove
OV*